



Kattusseqatigiit Partiiat

September 2010

UKA 2010/49

Inatsisartut suleriaasiata § 35-ia naapertorlugu matumuuna nassiuppara apeqquteqaat aallaavigalugu oqallinnissamut siunnersuut:

Qanoq iliornikkut Ilinniartut ilaasa praktikkerfissaaleqisarnerat qaangerniarneqarsinnaanersoq pillugu oqallinnissamik siunnersuut
(Inatsisartunut ilaasortaq Loritha Henriksen, Kattusseqatigiit Partiiat)

Tunngavilersuut:

Ukiuni kingulliunerusuni amingaatingineqaleraluttuinnartut ilangivaat ilinniartut suliffimmi misileraallutik suliffingisinnaasaminnik amingaateqartarnerat, tamatumalu kingunerisaanik ilinniartut ilinniakkaminnik unititsiinnartariaqarnerat.

Kattusseqatigiit Partiianiit isumaqarpungut, ajornartorsiutit taamaattut qaangerniarlungit arlariinnik iliuuseqarnissaq pisariaqartoq aamma tamakkununga ilanngullugu ilinniartitaanermut pilersaarut nunatsinni pisariaqartitsinermut naapertuunnerusumik nutarterinissaq pisariaqartoq.

Tassami nunatsinni innuttaasunik ilinniaqqusineq nalunngilarput naalackersuinikkut annertuumik pingaartinneqartoq, Kattusseqatigiit Partiianiillu aamma tamanna tapersersoqaarput, taamaattumik isumaqarpungut ilinniartitaanermut pilersaarut nunatsinni pissutsinut piviusunut naleqqussarlungulu nutarterneqarnissaa piaartumik naalackersuinikkut nalilersuiffingineqaqqittariaqartoq.

Aamma isumarput malillugu tamanna pitsaanerpaamik angusaqarfigineqarsinnaavoq, partiit tamattaalluta tamanna iternga tikillugu oqallisigineratigut, qanoq iliornikkut ilinniarnermi praktikkerfissanik amingaateqarneq aningorniarneqarsinnaanersoq.

Kattusseqatigiit Partiianiit maannakkuugallartoq periarfissat makku ilattut taasinnaavagut:

- Ilinniarfinni suliffimmik sungiusarfissamik pissarsisinnaangikkaanni ilinniakkap atuagarsorluni ingerlatiarnissaanut periarfissat pitsaanerusut aqutissiuunneqarsinnaanerat.
- Qallunaat nunaanut, Island, Savalimmiullu suliffimmik sungiusarluni misiliinissanut periarfissat pitsaanerulersinneqarsinnaanerat.
- Ilinniartitaanerup ilaata nunatsinnut naapertuunnerusumik aaqqissuunneqarnissaa, tassani aamma kalaallisuinnaq oqaatsinik atuisut, kiisalu naqinnernik atuaasinnaanermik imaluunniit atuagarsornermik ajornartorsiutillit ilinniakkamik ingerlatsilersinnaanerat qulakkeerneqaqqullugit.

Allarpassuit ilanngussuunneqarsinnaapput, toqqammaviusumik isumaqarpugut, tamakku ilarpassui ilinniartitaanermut pilersaarutip nutarterneqarneratigut arlalitsigut aaqqiissuteqarsinnaaneq periarfissanik malitseqartitsisinnaasoq.

Taamatut oqallinnissamik Kattusseqatigiit Partiianiit saqqummiussaqaarluta neriutigaarput oqallinneq angusaqarfiulluarumaartoq.